

Vaavaai mo le Fournier's gangrene (faama'i) pe a inu SGLT-2 inhibitors e pei o le empagliflozin

O loo faamatalina i le pepa faamatala lenei le faama'i ogaoga o le Fournier's gangrene, e mafai ona maua ai tagata o inu le ituaiga fualaau mo le suka o le 2 (SGLT-2) inhibitors. E lē taofia ai lou talanoa i lau fomai, tausimai po o se fomai talavai.

E faaoga SGLT-2 inhibitors e togafitia ai ma'i suka ma nisi faaletonu o le fatuga'o ma le fatu. E fesoasoani e tuutiitia le maualuga o le suka i le toto, ma fesoasoani e faagaioia lelei le fatuga'o ma tuutiitia lamatiaga o le ma'i fatu po o se stroke.

O le Empagliflozin o le ituaiga o le SGLT-2 inhibitor o loo faatupeina i totonu o Niu Sila. E faaigoa foi o le [Jardiance](#) po o le [Jardiamet](#) (ma le metformin).

O le ā le Fournier's gangrene?

O le Fournier's gangrene o se faama'i ogaoga ua siamā ai lou itusā, aualuma, fua po o le nofoi. E seāseā tupu ae e moomia le vave faia i ai se togafitiga a se fomai.

O le faama'i foi lea e ta'ua o le 'faama'i 'ai aano' ma e mafai ona faateteleina pe a lē togafitia.

O ā mea e mafai ona ou foia ai le maua i le Fournier's gangrene?

Toaga e tumamā. E tāua le fufulu o lou itusā i se fasimoli ma le vai mafanafana ma solo mago lelei.

- Afai o oe o se tamaitai, faalua i le aso na fufulu lou itusā ma le nofoi.
- Afai o oe o se alii, faalua i le aso na fufulu lou aualuma, fua ma le nofoi.

Toaga e siaki ma afai ua ese tulaga o e vaai, faafesootai vave loa lau fomai po o se tausimai.

Afai e te ma'i suka, mulimulitai i faatonuga a fomai auā le tausisia o le maualuga o le suka i lou toto.

Faafesootai vave loa lau fomai po o le tausimai pe afai ua e faalogoia nisi o āuga nei:

- fula, tiga, mageso pe lapata'ia vaega tonu po o augutu o lou itusā, aualuma, fua po o le nofoi
- sui le lanu o lou pa'u, e pei o le mūmū po o le pa'auli o augutu o lou itusā, aualuma, fua po o le nofoi
- fiva po o le maualuga o le vela o le tino
- faama'ima'ia po o le lēlavā.

E afaina ai le soifua i le Fournier's gangrene, ma e tataua ona e vave sailia se togafitiga. E mafai ona vave lava le sosolo o le faama'i.

E iloa le isi laasaga e fai mai lau fomai po o le tausimai.

E mafua aisea le Fournier's gangrene?

E faagaioia e le SGLT-2 inhibitors faiga e aveese ai le faasiliga o le suka ua tele ina maua i au feauvai.

Talu ai e tele atu le suka i au feauvai, e te ono maua i se faama'i e pei o le faaletonu i le tagamimi (faama'i i le vaega o le tino e faamamā ai feauvai).

E ono faaletonu ai foi totonu po o augutu o lou itusā, aualuma, fua po o le nofoi. E mafai ona maua ai i le Fournier's gangrene, pe a lē togafitia le faama'i.

E mafai ona maua tagata o inu le empagliflozin i le Fournier's gangrene i totonu o Niu Sila.

O fea ou te maua ai isi faamatalaga?

Talanoa i lau fomai, tausimai po o se fomai talavai, pe valaau le laina vili fua a le Healthline i soo se taimi i le 0800 611 116.

Faitau faamatalaga mai itulau nei.

- Consumer medicine information for medicines: medsafe.govt.nz/Medicines/infoSearch.asp
- Health Navigator information about medicines: healthnavigator.org.nz/medicines/

- DermNet NZ – Fournier’s gangrene: dermnetz.org/topics/fournier-gangrene
- DermNet NZ – Necrotising fasciitis (‘flesh-eating disease’): dermnetz.org/topics/necrotising-fasciitis

E maua atu foi i lau fomai, tausimai po o le fomai talavai fautuaga e taussia ai le ola maloloina mo tulaga e pei o le:

- faaititia o le mamafa o lou tino
- fesoasoani e tuu lou ulaula